

Minneapolis Public Schools

Phau Ntawv Qhia Txog Cov Peev Txheej Rau Kev Kawm
Tshwj Xeeb



MINNEAPOLIS
PUBLIC SCHOOLS

Tsim los ntawm kev koom tes nrog Minneapolis Public Schools Special Education Advisory
Committee (Pawg Tub Sab Laj Txog Kev Kawm Tshwj Xeeb, SEAC)

Hloov kho zaum kawg nkaus: Lub Kaum Ib Hlis Xyoo 2022

Daim Phiaj Teev Cov Tshooj Lus

<u>Special Education Advisory Council (Pawg Tub Sab Laj Txog Kev Kawm Tshwj Xeeb, SEAC)</u>	3
<u>Cov Lus Qhia thiab Cov Peev Txheej los ntawm SEAC</u>	4
<u>Kev Kawm Tshwj Xeeb yog dab tsi</u>	5
<u>Cov Tub Ntxhais Uas Tau Txais Kev Pab Cuam</u>	6
<u>Tus Txheej Txheem Kev Kawm Tshwj Xeeb</u>	7
<u>Cov Lus Uas Siv Rau Kev Kawm Tshwj Xeeb</u>	10
<u>Cov Feem Xyuam rau IEP</u>	12
<u>Cov Hauv Kev Muab Cov Kev Pab Cuam ESP</u>	13
<u>Cov Kev Pab Cuam Uas Cuam Tshuam</u>	15
<u>Cov Tswv Cuab Hauv Pab Pawg Saib Xyuas Kev Kawm Tshwj Xeeb</u>	16



Special Education Advisory Council

(Pawg Tub Sab Laj Txog Kev Kawm Tshwj Xeeb)

SEAC yog dab tsi?

Lub Minneapolis Public Schools Pawg Tub Sab Laj Txog Kev Kawm Tshwj Xeeb, SEAC (nyeem tawm lub suab tias "seek") yog kev sib koom tes ntawm lub cheeb tsam tsev kawm thiab cov niam txiv/cov neeg saib xyuas nroog Minneapolis cov tub ntxhais kawm uas xiam oob qhab. SEAC tau txais lus txib los ntawm lub lav kom los muab lus qhia rau Lub Cheeb Tsam Tsev Kawm txog txoj cai thiab kev npaj phiaj xwm dhau los ntawm Tus Thawj Tswj Hwm fab Kev Kawm Tshwj Xeeb.

Feem ntau SEAC muaj cov niam txiv/cov neeg saib xyuas thiab cov neeg ua hauj lwm ntawm Lub Chaw Hauj Lwm Saib Xyuas Kev Kawm Tshwj Xeeb tseem ceeb. SEAC hom kheev nquag caw cov thawj coj los ntawm lwm lub cheeb tsam tsev kawm cov chaw ua hauj lwm txhawm rau kom paub thiab qiv kev xav rau kev txiav txim siab.

Cov Lus Tshaj Tawm Txog Lub Zeem Muag

Txhua tus me nyuam yaus, tsis hais txog lawv lub tsab peev xwm, yuav tau kawm kom tiav fab kev kawm, kev ua hauj lwm, thiab kev kawm txogfab zej tsoom hauv Minneapolis Public Schools txij ntua thaum yug los mus txog ntu hloov pauv txhawm rau ua kom muaj cov kev xaiv thiab lub zim txwv ntau tshaj plaws rau lawv lub neej.

Cov Lus Tshaj Tawm Txog Lub Luag Hauj Lwm

- Txhawm rau kom muaj kev koom nrog ntau ntxiv thiab ntxiv cov niam txiv thiab tsev neeg txoj kev xav txog cov me nyuam uas muaj kev xiam oob qhab nyob rau hauv kev tsim thiab nqis tes siv lub cheeb tsam tsev kawm cov cai
- Txhawm rau txheeb xyuas thiab txhawb nqa cov tub ntxhais kawm kev txhawj xeeb txog kev kawm tshwj xeeb thiab cov tub ntxhais kawm tsis yog kev kawm tshwj xeeb ib yam nkaus.
- Txhawm rau ua kom tiav cov cai ntawm Minnesota Statute 125A.24.

Kev Koom Nrog

Txhawm rau los koom nrog Minneapolis Public Schools pab pawg SEAC, ces mus saib peb tus vev xaib https://speced.mpls.k12.mn.us/advisory_council_2 los sis koom nrog SEAC lub rooj sib tham nyob rau thawj Hnub Thursday ntawm txhua lub hlis.



Cov Lus Qhia thiab Cov Peev Txheej los ntawm SEAC

Hauv qab no yog qee cov lus qhia thiab cov lus pom zoo uas muaj txiaj ntsig los ntawm cov neeg saib xyuas cov tub ntxhais kawm uas tau txais kev pab cuam kev kawm tshwj xeeb hauv Minneapolis Public Schools.

- ❖ Khaws tag nrho koj tus me nyuam txhua yam ntaub ntawv zwm
- ❖ Khaws ib daim tw ntawv taug qab cia rau thaum tshwm sim muaj kev kub ntxhov
- ❖ Faib qhia thiab hloov kho koj txoj phiaj xwm hais daws kev kub ntxhov hauv tsev nrog pab pawg saib xyuas koj tus me nyuam
- ❖ Nquag sib txuas lus nrog pab pawg saib xyuas koj tus me nyuam thaum koj pom tias koj tus me nyuam tus cwj pwm muaj kev hloov pauv thaum tsis yog hnuv kawm ntawv lawm
- ❖ Ntseeg koj txoj kev xav
- ❖ Tawm tswv yim rau koj tus me nyuam
- ❖ Nco ntsoov saib xyuas koj tus kheej
- ❖ Yog hais tias muaj lus qhia kom muab ntiab tawm, ces pab pawg saib xyuas IEP yuav tsum qhib rooj sib tham nyob rau hauv kaum hnuv kawm ntawv txij hnuv muab tus tub ntxhais kawm tshem tawm rau lub hom phiaj los txiaj txim seb tus tub kawm tus cwj pwm puas yog qhov tshwm sim uas qhia txog tus tub ntxhais kawm txoj kev xiam oob qhab. Minn. Stat. § 121A.43(d), thiab 20 U.S.C. § 1415(k)(1)(E).

Cov Peev Txheej Ntau Ntxiv

- ❖ [Nroog Hennepin Cov Kev Pab Cuam Tib Neeg](#)
- ❖ [Minnesota Feem Hauj Lwm Saib Xyuas Kev Kawm - Nplooj Vev Xaib Hais Txog Kev Kawm Tshwj Xeeb](#)
- ❖ [MPS Daim Ntawv Thoov Cov Txiaj Ntsig Fab Kev Kawm Tshwj Xeeb](#)
- ❖ [MPS SEAC Phab Facebook Zej Zog](#)
- ❖ [MPS Pawg Tub Sab Laj Txog Kev Kawm Tshwj Xeeb](#)
- ❖ [Tsoom Tub Coj Xwm Thoob Teb Chaws txog Kev Xiam Oob Qhab](#)
- ❖ [Lub Pacer Center](#)
- ❖ [Teb Chaws Meskas Feem Hauj Lwm Saib Xyuas Kev Kawm - Lub Chaw Hauj Lwm saib xyuas Cov Khoos Kas Kev Kawm Tshwj Xeeb](#)



Kev Kawm Tshwj Xeeb yog dab tsi?

Minneapolis Public Schools muaj ntau yam khoos kas kev kawm tshwj xeeb thiab kev pab cuam. Txhawm rau kom tau txais cov kev pab cuam kev kawm tshwj xeeb, ces tus tub ntxhais kawm yuav tsum xub raug ntaus nqi xyuas thiab ua tau raws li lub lav cov qauv cai. Yog tias muaj cai tsim nyog, ces yuav tsim Txoj Phiaj Xwm Kev Kawm Uas Haum Rau Tus Kheej (IEP) rau tus tub ntxhais kawm. Cov khoos kas thiab cov kev pab cuam yog muab rau cov tub ntxhais kawm thiab lawv tsev neeg pib txij ntua thaum yug los mus txog rau hnub nyoog 21 xyoos los sis yog thaum kawm tiav tsev kawm theem nrab. Tsis tas li xwb, kev kawm tshwj xeeb kuj tseem muaj rau cov tub ntxhais kawm uas nyob hauv Minneapolis uas mus kawm rau cov tsev kawm ntawv uas tsis yog tsev kawm ntawv luam tib si thiab.

Cov Lus Tshaj Tawm Txog Lub Luag Hauj Lwm

Lub Minneapolis Public Schools feem hauj lwm saib xyuas Kev Kawm Tshwj Xeeb tau tsum mus rau cov tub ntxhais kawm uas tau txais cov kev pab cuam uas haum rau tus kheej thiab kev qhia ntawv uam muaj vaj huam sib luag hauv lawv qhov chaw uas muaj kev txwv tsawg tshaj plaws. Peb thov cog lus tias yuav muab kev ntaus nqi xyuas kev kawm thiab muab cov kev pab cuam uas tsis xav txog tus tub ntxhais kawm haiv neeg.

Hauv Lav Minnesota, cov cheeb tsam tsev kawm yuav tsum pab cuam rau cov me nyuam uas muaj cai tsim nyog txij li thaum yug los mus txog rau thaum muaj hnub nyoog 21 xyoos los sis thaum kawm tiav tsev kawm theem siab, uas yog saib seb qhov twg xub txog ua ntej. Cov kev pab cuam no yog muab los ntawm cov neeg ua hauj lwm uas muaj ntawv tso cai thiab suav nrog cov kev qhia ntawv, cov ntaub ntawv, thiab cov thev niv tshwj xeeb.

Raws li Tsab Cai Hais Txog Tus Neeg Xiam Oob Qhab (IDEA), kev kawm tshwj xeeb yog:

“Qhov kev qhia ntawv uas tsim los tshwj xeeb, tsis tau them nqi rau cov niam txiv, kom ua tau raws li cov kev xav tau tshwj xeeb ntawm tus me nyuam uas muaj kev xiam oob qhab. Cov me nyuam uas tau txais kev kawm tshwj xeeb thiab cov kev pab cuam uas cuam tshuam yuav muaj cai tau txais txoj kev kawm ntawv luam pub dawb thiab tsim nyog (FAPE). Qhov no suav nrog cov hwv tsam los koom rau hauv lub tsev kawm ntawv cov ntaub ntawv kawm nthuav dav thiab ua kom muaj kev nce qib mus txog cov hom phiaj txhua xyoo. Cov me nyuam uas tau txais kev kawm tshwj xeeb kuj tseem yuav tsum muaj lub zim txwv los koom nrog lwm cov dej num hauv tsev kawm ntawv uas tsim nyog rau lawv cov kev xav tau ntiag tug.”



Cov Tub Ntxhais Uas Tau Txais Kev Pab Cuam

- ❖ Txhawm rau kom muaj cai tsim nyog tau txais cov kev pab cuam kev kawm tshwj xeeb, ces tus tub ntxhais kawm yuav tsum raug ntaus nqi xyuas thiab ua tau raws li cov qauv cai txog kev muaj cai tsim nyog raws li tau teev tseg los ntawm Minnesota Feem Hauj Lwm Saib Xyuas Kev Kawm. Tsis tas li ntawd, tus tub ntxhais kawm kuj yuav tsum tau phiaj yeeg tawm tias lawv qhov kev xiam oob qhab tsim kev kub ntxhov rau lawv mus rau txoj kev uas ua rau lawv xav tau kev kawm rau cov kev pab cuam kev kawm tshwj xeeb.

Cov kev xiam oob qhab uas raug lees paub hauv Minnesota nyob rau tam sim no yog:

- Tus Kab Mob Autism.
- Dig Muag los sis Qhov Muag Tsis Pom Kev.
- Lag Ntseg thiab Dig Muag.
- Lag Ntseg thiab Ntsej Hnyav.
- Kev Txhim Kho Kev Kawm Fab Lub Cev Uas Muaj Kev Hloov Kho.
- Kev Xiam Oob Qhab Fab Kev Cim Xeeb Rau Kev Loj Hlob.
- Kev Loj Hlob Qeeb (txij thaum yug los mus txog 6 xyoo).
- Teeb Meem Fab Kev Xav los sis Fab Cwj Pwm
- Lwm Yam Kev Xiam Oob Qhab Rau Lub Cev.
- Lub Cev Muaj Qhov Tsis Taus.
- Muaj Ntau Yam Kev Tsis Taus Hnyav.
- Kev Xiam Oob Qhab Txog Kev Kawm Tshwj Xeeb.
- Hais Tsis Tau Lus Zoo.
- Raug Mob Rau Lub Hlwb.

- ❖ Hais txog rau cov ntaub ntawv qhia paub ntau ntiv txog txoj hauv kev uas Minneapolis Public Schools yuav pab cuam peb cov tub ntxhais kawm uas muaj kev xav tau tshwj xeeb, ces thov mus saib peb tus vev xaib ntawm <https://speced.mpls.k12.mn.us/>



Tus Txheej Txheem Kev Kawm Tshwj Xeeb

Kuv tus tub ntxhais kawm tseem muaj teeb meem. Yuav ua li cas ntxiv mus?

Tshwj kiag tias yog muaj qhov kev xiam oob qhab uas pom mee tseeb lawm xwb, kev ntaus nqi xyuas kev kawm tshwj xeeb yuav coj los siv thaum pom tau tias cov tub ntxhais kawm muaj kev nce qib me ntsis los sis tsis muaj kev nce qib hauv suam uas muaj kev txhawj xeeb, txawm tias twb tau txais kev cuam tshuam pab lawm los xij.

Tus Txheej Txheem Kev Cuam Tshuam Pab Thaum Ntxov (txij li yug los mus txog peb xyoos)

Early Intervention (Kev Cuam Tshuam Pab Thaum Ntxov, EI) yog Minneapolis Public Schools lub khoos kas rau cov tsev neeg uas muaj cov me nyuam uas nyuam qhuav yug los mus txog peb xyoos. Kev Cuam Tshuam Pab Thaum Ntxov (0-3) muab kev txhawb pab thiab kev qhia ntauv rau cov me nyuam yaus uas muaj kev pheej hmoo txog kev loj hlob qeeb los sis cov me nyuam uas raug txheeb xyuas tias muaj kev loj hlob qeeb los sis muaj kev xiam oob qhab. Cov me nyuam thiab lawv cov tsev neeg tuaj yeem tau txais cov kev pab cuam nyob hauv lawv lub tsev los sis lub chaw zov me nyuam. Kev xa mus tuaj yeem ua tau dhau los ntawm Minnesota Help Me Grow

<https://helpmegrowmn.org/HMG/Refer/index.html> los sis hu rau 612-668-3715.

Individual Family Service Plan (Txoj Phiaj Xwm Pab Cuam Tsev Neeg Ua Ntiag Tug, IFSP)

IFSP yog ib daim ntawv uas muaj cov ntaub ntawv hais txog koj tus me nyuam, suav nrog cov lus sua ntsiab lus txog lawv txoj kev loj hlob nyob rau txhua suam ntawm qhov kev tsim kho, cov hom phiaj uas koj muaj rau koj tus me nyuam thiab tsev neeg, thiab cov kev pab cuam uas muab rau koj thiab koj tus me nyuam. Thaum sau tau koj tus me nyuam daim IFSP lawm, koj yuav tsum tau kos npe rau daim ntawv tso cai pom zoo txhawm rau kom pib tau txais cov kev pab cuam.

Tus Txheej Txheem Kev Kawm Tshwj Xeeb

Kauj Ruam 1. Kev Txheeb Xyuas

Muaj ob txoj hauv kev los txheeb xyuas ib tug me nyuam tias seb ntxim li nws puas yuav xav tau kev kawm tshwj xeeb thiab/los sis cov kev pab cuam uas cuam tshuam:

1. Child Find (Nrhiav Me Nyuam)

Child Find (Nrhiav Me Nyuam) yog ib tug txheej txheem rau kev txheeb xyuas, kev nrhiav, thiab kev ntaus nqi xyuas cov me nyuam uas muaj hnuv nyoog nyob rau ncuva 3 txog 21



xyoos hauv lub cheeb tsam tsev kawm uas tej zaum yuav tsim nyog tau txais kev kawm tshwj xeeb los sis cov kev pab cuam uas cuam tshuam. Tus txheej txheem hauv MTSS ua lub luag hauj lwm tseem ceeb rau kev txhawb pab cov tub ntxhais kawm kom tau txais qhov kev txhawb pab thiab cov kev cuam tshuam pab uas tsim nyog. Tus txheej txheem hauv MTSS yog ib lub laj txheej thooob plaws tsev kawm ntawv thiab yog ib daim phiaj hauj lwm kev txhim kho sib txuas zus uas siv los ua kom tau txais cov txiaj ntsig fab kev sib raug zoo, kev xav, kev coj tus cwj pwm, kev loj hlob, thiab kev kawm mus rau seem zoo rau txhua tus tub ntxhais kawm.

2. Kev xa mus los ntawm niam txiv/tus neeg saib xyuas los sis cov neeg ua hauj lwm hauv tsev kawm ntawv

Daim ntawv thov Kev Ntaus Nqi Xyuas Tus Kheej Yam Puv Ntoob yuav tsum tau xa mus yam muaj ntaub muaj ntawv mus rau tus thawj tsev kawm los sis tus neeg tswj hwm qhov teeb meem. Daim ntawv thov yuav tsum tau kos npe, rau lub hnuv tim, thiab sau qhov kev piav qhia txog kev txhawj xeeb txog fab kev kawm thiab cov ntaub ntawv txhawb nqa. Lub tsev kawm ntawv yuav tsum tau sau ntawv ceeb toom rau niam txiv/tus neeg saib xyuas txog lawv qhov kev txiav txim siab nyob rau lub sij hawm uas tsim nyog (feem ntau yog nyob rau hauv ob lub lim tiam) txij li tau txais daim ntawv thov.

Kauj Ruam 2. Tus Txheej Txheem Kev Npaj Phiaj Xwm Rau Kev Ntsuam Xyuas

Yog lub tsev kawm ntawv pom zoo los ntaus nqi xyuas tus tub ntxhais kawm, ces yuav tsum teem sij hawm qhib lub rooj sib tham npaj phiaj xwm rau kev ntsuam xyuas nyob rau lub sij hawm uas tsim nyog (feem ntau yog nyob rau hauv ob lub lim tiam) txij hnuv tau txais daim ntawv thov kev ntaus nqi xyuas. Lub hom phiaj ntawm lub rooj sib tham yog txhawm rau los npaj txoj phiaj xwm rau qhov kev ntaus nqi xyuas uas xav tau los ntsuam xyuas tus me nyuam nyob rau txhua suam uas cuam tshuam nrog lawv qhov kev xiam oob qhab uas xav tias yuav muaj. Ua ntej yuav pib tus txheej txheem kev ntaus nqi xyuas, ces niam txiv/tus neeg saib xyuas yuav tsum tau sau daim ntawv tso cai pom zoo.

Kauj Ruam 3. Kev Ntaus Nqi Xyuas

Hais txog rau cov tub ntxhais kawm hauv qib K-12, qhov kev ntsuam xyuas thawj zaug yuav tsum ua kom tiav, thiab pab neeg ntaus nqi xyuas yuav tsum txiav txim txog qhov kev muaj cai tsim nyog rau qhov kev kawm tshwj xeeb thiab cov kev pab cuam uas cuam tshuam hauv sij hawm 30 hnuv kawm ntawv tom qab hnuv uas niam txiv/tus neeg saib xyuas tau sau ntawv tso cai pom zoo los ua qhov kev ntsuam xyuas. Hais txog rau cov tub ntxhais kawm uas nyuam qhuav yug los mus txog hnuv nyooq peb xyoos, ces yuav tsum ua kom tiav tus txheej txheem kev xa mus thawj zaug nyob rau hauv sij hawm 45 hnuv tom qab lub cheeb tsam tsev kawm tau txais kev xa mus.

Kauj Ruam 4. Lub Rooj Sib Tham Txog Qhov Kev Muaj Cai Tsim Nyog

Ua ntej lub sij hawm 30 hnuv kawm ntawv no yuav dhau mus, pab pawg IEP (xws li niam txiv/tus neeg saib xyuas) yuav qhib lub rooj sib tham los tshuaj xyuas cov txiaj ntsig kev ntaus nqi xyuas thiab



txiav txim tias seb tus tub ntxhais kawm puas muaj cai tsim nyog tau txais kev kawm tshwj xeeb thiab/los sis cov kev pab cuam uas cuam tshuam.

Yog pom tau tias tus tub ntxhais kawm muaj cai tsim nyog tau txais kev kawm tshwj xeeb, ces pab pawg yuav tsim Individualized Education Program (Lub Khoos Kas Kev Kawm Uas Haum Rau Ntiag Tug, IEP).

Yog pom tau tias tus tub ntxhais kawm tsis muaj cai tsim nyog tau txais kev kawm tshwj xeeb, ces tej zaum lub tsev kawm ntawv yuav txiav txim txog qhov kev muaj cai tsim nyog raws li Txoj Phiaj Xwm Ntu 504.

Kauj Ruam 5. Individualized Education Plan (Lub Khoos Kas Kev Kawm Uas Haum Rau Ntiag Tug, IEP).

Pab pawg IEP (suav nrog niam txiv/tus neeg saib xyuas) yuav qhib rooj sib tham los tsim tus tub ntxhais kawm txoj phiaj xwm IEP. Yuav tsum muab daim ntawv theej ntawm daim qauv IEP rau cov niam txiv/cov neeg saib xyuas yam tsawg kawg peb hnuv kawm ntawv ua ntej yuav qhob lub rooj sib tham.

IEP teev txog tus tub ntxhais kawm cov kev xav tau tshwj xeeb thiab piav qhia seb lub tsev kawm ntawv yuav hais daws cov kev xav tau ntawd li cas. IEP tsim cov hom phiaj thiab teev cov kev pab, kev txhawb pab, thiab cov kev pab cuam ntau ntxiv los pab ua kom tus tub ntxhais kawm tuaj yeem ua tau raws li cov hom phiaj ntawd.

Tus tub ntxhais kawm daim IEP yuav raug tshuaj xyuas los ntawm pab pawg IEP yam tsawg kawg ib zaug hauv ib xyoos.

Hais txog rau cov ntaub ntawv qhia paub ntau ntxiv txog yam yuav tsum tau ua yog tias koj tsis pom zoo nrog qhov kev txiav txim siab muab tso rau hauv daim IEP, ces mus saib [Cov Cai Rau Niam Txiv](#).

Kauj Ruam 6. Kev Kawm Tshwj Xeeb thiab/los sis Cov Kev Pab Cuam Uas Cuam Tshuam

Ua ntej lub tsev kawm ntawv yuav muab kev kawm tshwj xeeb thiab cov kev pab cuam uas cuam tshuam rau tus tub ntxhais kawm thawj zaug, ces niam txiv/tus neeg saib xyuas yuav tsum tau sau daim ntawv tso cai pom zoo.

Kev kawm tshwj xeeb thiab/los sis cov kev pab cuam uas cuam tshuam yuav pib rau hnuv kawm ntawv tom qab lub cheen tsam tsev kawm tau txais kev kos npe.

Kauj Ruam 7. Kev Tshaj Qhia Txog Kev Nce Qib Ntawm IEP

Tus tub ntxhais kawm qhov kev nce qib mus rau lub hom phiaj txhua xyoo yog rau ntsuas raws li tau teev tseg hauv daim IEP. Kev Tshaj Qhia Txog Kev Nce Qib Ntawm IEP yog yuav muab tshaj qhia kom tuab npaum li daim npav tshaj qhia txhawm rau los qhia rau niam txiv/tus neeg saib xyuas txog tus tub ntxhais kawm qhov kev nce qib mus rau cov hom phiaj IEP txhua xyoo.



Cov Lus Uas Siv Rau Kev Kawm Tshwj Xeeb

ABS	Tus Kws Tawm Tswv Yim Rau Fab Kev Kawm thiab Fab Cwj Pwm
ADA	Tsab Cai Hais Txog Cov Neeg Meskas Xiam Oob Qhab
ASD	Tus Kab Mob Autism
ASL	Lus Piav Tes Meskas
AT	Thev Naus Laus Ntsis Pab Ua Kev Yooj Yim
BIP	Txoj Phiaj Xwm Cuam Tshuam Pab Tus Cwj Pwm
BVI	Dig Muag-Qhov Muag Tsis Pom Kev
CM	Tus Tswj Hwm Teeb Meem
CST	Pab Pawg Saib Xyuas Kev Kawm Rau Me Nyuam
D/APE	Kev Txhim Kho Kev Kawm Fab Lub Cev Uas Muaj Kev Hloov Kho
DB	Lag Ntseg-Dig Muag
Kev Teev Tseg Ntawm Tsoom Hwv Teb Chaws	% ntawm lub sij hawm uas cov tub ntxhais kawm siv rau hauv Kev Kawm Tshwj Xeeb

DCD-MM	Kev Xiam Oob Qhab Fab Kev Cim Xeeb Rau Kev Loj Hlob Me Ntsis mus txog Pes Nruab
DCD-SP	Kev Xiam Oob Qhab Fab Kev Cim Xeeb Rau Kev Loj Hlob Hnyav/Tob
DD	Kev Loj Hlob Qeeb
DHH	Lag Ntseg thiab Ntsej Hnyav
EBD	Teeb Meem Fab Cwj Pwm Kev Xav
ECSE	Kev Kawm Tshwj Xeeb Rau Cov Me Nyuam Yaus Me
EIP	Lub Khoos Kas Cuam Tshuam Pab Thaum Ntxov
EL	Tus Neeg Uas Yuav Tsum Tau Kawm Lus Askiv
ESY	Xyoo Kawm Ncuaj Sij Hawm Mus Ntxiv
FAPE	Kev Kawm Ntawv Luam Tsim Nyog Pub Dawb
FBA	Kev Ntsuam Xyuas Fab Cwj Pwm Kev Ua Hauj Lwm
PCA	Tus Neeg Pab Saib Xyuas Ntiag Tug



	I = 0-21% II = 21-60% III = 60% nce mus IV = cais nyob rau lub chaw kawm tshwj xeeb V = tsev kho mob, kev kho mob, los sis lub chaw kho mob
IDEA	Tsab Cai Hais Txog Kev Kawm Rau Cov Neeg Xiam Oob Qhab
IEP	Lub Khoos Kas Kev Kawm Uas Haum Rau Ntiag Tug
IHP	Txoj Phiaj Xwm Kho Mob Uas Haum Rau Ntiag Tug
IFSP	Txoj Phiaj Xwm Kev Pab Cuam Rau Tsev Neeg Ua Ntiag Tug
LEA	Lub Chaw Saib Xyuas Kev Kawm Hauv Cheeb Tsam
LEP	Paub Lus Askiv Tsis Zoo
LRE	Thaj Chaw Uas Muaj Kev Txwv Tsawg Tshaj Plaws
MTSS	Lub Laj Txheej Kev Txhawb Pab Uas Muaj Ntau Txheej
OT	Kev Kho Kev Ua Hauj Lwm

PI	Lub Cev Muaj Qhov Tsis Taus
PLAAFP	Qib Tam Sim No ntawm Qhov Kev Ua Tiav Fab Kev Kawm thiab Kev Ua Tau Zoo Fab Kev Ua Hauj Lwm
PT	Kev Kho Mob Fab Lub Cev
SEAC	Pawg Tub Sab Laj Txog Kev Kawm Tshwj Xeeb
SLD	Kev Xiam Oob Qhab Txog Kev Kawm Tshwj Xeeb
SLP	Tus Kws Kho Kom Paub Hais Lus
SMI	Kev Muaj Qhov Tsis Taus Ntau Yam Loj
TBI	Raug Mob Rau Lub Hlwb
TSES	Lub Laj Txheej Kev Kawm Tshwj Xeeb Tag Nrho

Hais txog rau cov ntaub ntawv qhia paub ntau ntiv txog cov lus sau luv-luv thiab cov lus uas nquag siv ces nias rau [ntawm no](https://education.mn.gov/mde/dse/sped/049966). Tsis tas li ntawd, daim ntawv teev tag nrho cov acronyms (cov lus zuaj) uas siv rau hauv Kev Kawm Tshwj Xeeb ces mus saib:

<https://education.mn.gov/mde/dse/sped/049966>



Cov Feem Xyuam rau IEP

Cov Neeg Koom Rau IEP

Qib Tam Sim No, Cov Kev Xav Tau, Cov Hom Phiaj, Cov Kev Cia Siab Hauv Ib Lub Xyoos

Kev Hloov Pauv Thib Ob

Ntu no muaj tag nrho txhua tus neeg koom nrog uas muaj feem pab txhawb rau tus txheej txheem IEP

Pab pawg yuav tham txog qib kev ua tau zoo tam sim no thiab teev cov hom phiaj thiab cov kev cia siab los txhawb pab tus tub ntxhais kawm txoj kev nce qib

Cov kev pab cuam hloov pauv tau muab coj los sib tham ua ntej los sis thaum lub sij hawm tus tub ntxhais kawm nyob rau xyoo kawm qib 9

Kev Thauj Mus Los

Daim Phiaj Xwm Cuam Tshuam Pab Tus Cwj Pwm (BIP)

Lub Lav thiab Lub Cheeb Tsam Tsev Kawm Qhov Kev Xeem

Pab pawg yuav tham txog cov kev pab cuam kev thauj mus los uas tsim nyog suav nrog cov kev xaiv fab kev thauj mus los tshwj xeeb

BIP yuav raug tsim tawm los yog tias tus tub ntxhais kawm muaj lub hom phiaj hauv IEP uas tsom mus rau tus tub ntxhais kawm txoj kev xav tau rau kev tswj tus kheej thiab/los sis tus cwj pwm tsis zoo

Pab pawg yuav tham txog cov kev xaiv fab kev pab ua kev yooj yim rau lub lav thiab lub cheeb tsam kev qhov kev xeem uas muaj rau tus tub ntxhais kawm ntawv

Kev Kawm Tshwj Xeeb, Cov Kev Pab Cuam Uas Cuam Tshuam thiab Ntau Ntxiv

Tsoom Hwv Teb Chaws Qhov Kev Teev Tseg thiab Thaj Chaw Ib Puag Ncig Uas Muaj Kev Txwv Tsawg Tshaj Plaws (LRE)

Lub Xyoo Kawm Txuas Ntxiv (ESY)

Nyob rau ntu no, cov tub ntxhais kawm cov kev pab cuam kev kawm tshwj xeeb yuav raug coj los tham suav nrog rau cov kev pab ua kev yooj yom thiab cov kev hloov kho txhawm rau los txhawb pab tus tub ntxhais kawm hauv lawv qhov LRE.

Tsoom hwv teb chaws qhov kev teev tseg tau raug txheeb xyuas thiab tau txiav txim txog LRE rau tus tub ntxhais kawm kom muaj kev kawm txaus thiab muaj kev nce qib rau kev xav fab zej tsoom

ESY cov kev xaiv rau kev pab cuam raug coj los tham thiab txiav txim yog tias tus tub ntxhais kawm muaj cai tsim nyog tau txais ESY

Cov Feem Xyuam Rau IEP Ntau Ntxiv

Nyob rau ntu no, yuav muaj kev txiav txim txog qhov ntev ntawm tus tub ntxhais kawm hnuv kawm ntawv thiab qhov tuab uas cov neeg saib xyuas tau txais cov ntaub ntawv tshaj qhia txog kev nce qib



Cov Hauv Kev Muab Cov Kev Pab Cuam ESP

MPS muab cov kev xaiv fab kev pab cuam rau kev kawm sib txuas zus yam puv ntoob. Txhua tus tub ntxhais kawm uas muaj kev xiam oob qhab uas muaj cai tsim nyog tau txais kev qhia ntawv thiab kev pab cuam tshwj xeeb uas tsim nyog raws li lawv cov kev xav tau fab kev kawm uas raug txheeb xyuas tau. Cov uas teev tseg hauv qab no yog cov lus piav qhia txog MPS: (A) cov hauv kev muab kev pab cuam kev kawm tshwj xeeb rau cov tub ntxhais kawm uas raug txheeb xyuas, (B) muaj cov chaw uas yuav muab cov kev pab cuam, thiab (C) muaj kev kawm tshwj xeeb thiab cov kev pab cuam uas cuam tshuam.

Tus tub ntxhais kawm qib kev ua tau zoo tam sim no, cov kev xav tau kev kawm tshwj xeeb thiab cov kev pab cuam uas cuam tshuam, thiab cov hom phiaj thiab cov kev xav tau fab kev kawm tshwj xeeb uas raug txheeb xyuas nyob rau hauv tus tub ntxhais kawm lub khoos kas kev kawm uas haum rau ntiag tug. Qhov kev kawm tshwj xeeb thiab cov kev pab cuam uas cuam tshuam uas tsim nyog kom ua tau raws li cov kev xav tau, cov hom phiaj, thiab cov kev cia siab fab kev kawm tshwj xeeb yog raug txiav txim raws leej neeg. Cov kev xaiv rau lub khoos kas yog muaj xws li cov hom kev pab cuam uas muab, qhov chaw uas cov kev pab cuam tshwm sim, thiab lub sij hawm thiab qhov tuab ntawm kev muab cov kev pab cuam. Tej zaum tus tub ntxhais kawm yuav tau txais kev kawm tshwj xeeb thiab cov kev pab cuam uas cuam tshuam nyob hauv ntau tshaj ib lub khoos kas uas yog saib raws li tus tub ntxhais kawm Lub Khoos Kas Kev Kawm Uas Haum Rau Ntiag Tug (IEP) (hnuv nyoo 3 txog 21 xyoo), los sis Txoj Phiaj Xwm Pab Cuam Tsev Neeg Ua Ntiag Tug (IFSP) (txij li yug los mus txog hnuv nyoo 3 xyoo).

- A. Cov hauv kev muab kev kawm tshwj xeeb thiab cov kev pab cuam uas cuam tshuam hauv MPS rau cov tub ntxhais kawm kev kawm tshwj xeeb:
- ❖ Cov kev pab cuam me nyuam yaus thaum ntxov uas muab nyob hauv tsev, hauv lub khoos kas pab cuam raws lub chaw, los sis ntawm MPS los sis lub chaw me nyuam yaus thaum ntxov hauv zej zog
 - ❖ Kev qhia ntawv los ntawm cov kws qhia kev kawm nthuav dav hauv chav kawm kev kawm nthuav dav nrog kev hloov kho, kev pab ua kev yooj yim, kev pab cuam ntau ntxiv, thiab cov kev pab cuam tsis ncaj qha los ntawm cov neeg ua hauj lwm rau kev kawm tshwj xeeb
 - ❖ Rub cov kev pab cuam kev qhia ntawv ncaj qha ua pab pawg me-me hauv chav kawm txog cov peev txheej rau kev kawm tshwj xeeb
 - ❖ Kev qhia ntawv ib tauj ib



- ❖ Kev qhia ntawv sib koom los ntawm kev kawm nthuav dav thiab cov kws qhia rau kev kawm tshwj xeeb
- ❖ Cov kev pab cuam hauv cov chav kawm kev kawm tshwj xeeb uas muaj moj khaum me uas muaj cov neeg ua hauj lwm ntau dua cov tub ntxhais kawm
- ❖ Cov kev pab qhia ntawv txoj vaj txog tsev thiab hauv tsev
- ❖ Kev qhia ntawv thiab lwm yam kev pab cuam nyob rau hauv qhov chaw uas muaj moj khaum siab heev hauv lub chaw kawm tshwj xeeb uas cais tawm
- ❖ Cov kev pab cuam hloov pauv uas muab rau ntawm MPS lub tsev kawm them siab los sis hauv lub chaw kawm tshwj xeeb cais tawm, suav nrog cov khoos kas cob qhia kev ua hauj lwm hauv zej zog thiab cov khoos kas kev kawm raws kev ua hauj lwm
- ❖ Kev qhia ntawv thiab lwm cov kev pab cuam ntawm MPS cov chaw rau cov tub ntxhais kawm uas xav tau cov kev pab cuam kev kawm tshwj xeeb uas mus kawm ntawv rau cov tsev kawm ntawv uas tsis yog tsev kawm ntawv luam nyob hauv Nroog Minneapolis, suav nrog cov tub ntxhais kawm uas kawm ntawv hauv tsev.

- B. Cov chaw kev xaiv yog muaj nyob rau hauv MPS uas qhov kev kawm tshwj xeeb thiab cov kev pab cuam uas cuam tshuam yuav tshwm sim. Mus saib <https://speced.mpls.k12.mn.us/> hais txog rau cov ntaub ntawv qhia paub ntau ntxiv.



Cov Kev Pab Cuam Uas Cuam Tshuam

Cov Kev Pab Cuam Uas Cuam Tshuam tau raug teev tseg hauv Tsab Cai Hais Txog Tus Neeg Xiam Oob Qhab (IDEA) tias yog “cov kev pab cuam tseeb thauj mus los thiab kev loj hlob, kev kho kom raug, thiab lwm yam kev pab cuam txhawb pab raws li xav tau los pab tus me nyuam uas muaj kev xiam oob qhab kom tau txais txiaj ntsig los ntawm kev kawm tshwj xeeb.” Minnesota Feem Hauj Lwm Saib Xyuas Kev Kawm (MDE) muab cov ntaub ntawv thiab cov peev txheej los pab cov neeg ua hauj lwm rau qhov kev pab cuam uas cuam tshuam kom ua tau raws li cov kev xav tau ntawm cov tub ntxhais kawm uas tau txais cov kev pab cuam tshwj xeeb

C. Qhov kev kawm tshwj xeeb thiab cov kev pab cuam uas cuam tshuam uas muaj:

- ❖ Kev Kho Mob Fab Lub Cev
- ❖ Kev Kho Kev Ua Hauj Lwm
- ❖ Kev pab cuam kev hais lus
- ❖ Cov kev pab cuam Lag Ntseg/Ntsej Hnyav (DHH) thiab Suab Lus
- ❖ Cov kev pab cuam Dig Muag/Qhov Muah Muaj Teeb Meem (BVI)
- ❖ Cov kev pab cuam kev ua haujlwm pab zej tsoom hauv tsev kawm
- ❖ Kev pab cuam kev kho mob puas siab puas ntsws huav tsev kawm
- ❖ Thev naus laus ntsis pab ua kev yooj yim
- ❖ Cov kev pab cuam Kev Txhim Kho Kev Kawm Fab Lub Cev Uas Muaj Kev Hloov Kho (DAPE)
- ❖ Kev Thauj Mus Los Tshwj Xeeb rau cov tub ntxhais kawm uas nyob hauv cheeb tsam tsev kawm MPS li ciam dej ciam av.



Cov Tswv Cuab Hauv Pab Pawg Saib Xyuas Kev Kawm Tshwj Xeeb

Thaum tus me nyuam tau txais kev pab cuam kev kawm tshwj xeeb hauv Minneapolis Public Schools, ces pab pawg IEP cov rooj sab laj yuav tsum muaj cov neeg koom nrog hauv qab no. Nyob rau ntawm koj tus tub ntxhais kawm cov kev xav tau ntiag tug, tej zaum cov npe no yuav sib txawv.

- ❖ Tus tub ntxhais kawm
- ❖ Tus(cov) neeg saib hluas
- ❖ Tus Kws Qhia Kev Kawm Nthuav Dav
- ❖ Tus Kws Qhia Kev Kawm Tshwj Xeeb (Tus Neeg Tuav Tswj Teeb Meem)
- ❖ Lub Cheeb Tsam Tsev Kawm Tus Neeg Sawv Cev (Tus Sawv Cev Rau Kev Tswj Hwm)
- ❖ Cov Kev Pab Cuam Uas Cuam Tshuam (yog tias xav tau)
- ❖ Tus Neeg Saib Xyuas/Cov Neeg Pab Tus Tub Ntxhais Kawm
- ❖ Tus Neeg Pab Lub Zej Zog (PACER los sis lub chaw ua hauj lwm sab nrauv)
- ❖ Cov neeg ua hauj lwm txhawb pab ntiv
- ❖ Tus nawj
- ❖ Tus kws sab laj
- ❖ Tus neeg koom tes ua hauj lwm

